

Makonde - Waimumu Ing'ondo Maandiko - SW Intro Scriptures

Lukashi 17:5 Vamyombe kutwala kumwaaulila Umu kushidoni, “Twanjadyeda likulupililo!”

**Valoma 10:17 Nadoni likulupililo linkwaloka mukwigwa na kwigwa
kunkwalakela kwaindila yalilove lyake Klistu.**

**Lukashi 11:1 Napanelo Yesu àpagwite mulyutu limo ashwali; painwike,
nkwóda wake jumo andímwaulila kushidoni, “Nang'olo, tupundisha
kushwali kenga mwavapundishidide Nshuwau vakwoda vake mo.”**

**1 Timoti 2:1-4 Napavedoni shitandi ninkulaililila kupagwe kujugwa, kushwali,
kujugwangila na kulambwalela kwaupande wavanu uti, 2 kwavaumu na
kwauti avalá vavénavo madalaka pakulota tuname shinamido shaamani
na shakutulila nkati mukunjopa Nnungu na ishma uti. 3 Ashi ni shinu
shambone na shakunagwaleka pamevo pake Nnungu Mwamboli wetu 4 jo
álota vanu uti vaambolegwe na vakawikile mulimanyilo lyakumanya
umwiu.**

**Lukashi 22:31 Yesu kavili kushidoni, “Simoni, Simoni, ngwigwa. shatwani
andijugwa ampare mwenu pakulota ampete kenga ngano.**

**Shakaliya 3:1,2 - Yudashi 1:9 Doni, ata jo Migele nang'olo wavanjelo
pashitaukananga namu Ndamoni vapwatanila mili umwe Musha, nae
halyalaveke kumya ukumu yakukupulu kanji atédoni, “Umu akushulange.”**

**VaEpeshu 6:12 mwaa ing'ondo yetu hainava shinu yakupingana na munu
kanji ni kупinga dimongo dyautawala, kупinga dimongo dyamadalaka na
kупinga dimongo dyamushilambo uti mushii ashi shawakati au, kупinga
dimongo dyadimumu dyaukalau mumautu akuwa.**

**VaEpeshu 6:10,11 Kumwisho akuno ling'e dimongo nkati mumwe Umu na
nkati mukunanopa kwalyululilo lyake. 11 Gwalangila vyaiing'ondo uti
vimwe Nnungu pakulota muulule kwimila mupinga mitego vimwe Ndamoni**

**VaEpeshu 6:13-17 Napavedoni nyukatanga vyaiing'ondo uti vimwe Nnungu
pakulota muliduva alilá lyaukalau muulule kunanopa na pamumalididya uti
muke mushu mwimidile. 14 Nadoni imila mìlyungile nkanda waumwiu,
mùgwete pashuva shikopa shaishaliya 15 na mmadodo mwenu, mùgwete
ntenga wambone waamani mwìmidile do, go mulyutu lyakunanopa. 16
Kwavinu avyo uti, mìnyukete shikopa shalikulupililo; shanavo mundaaulula
kudima myumba vyamoto vimwe aijá nkala. 17 Twala shijulu shashitali
shakwambola na lyambila lya Imumu livele llove lya Nnungu.**

**VaBalaniya 4:12 Mwaa llove lyake Nnungu lingumi na linkuvanavo dimongo,
namomo lyakukola kupunda lyambila likóla kuvili, lyanavo**

linkupulunganianga pakati-pakati ungumi na imumu, mumagwangwa na muwoba, namomo linkujavanianga makumbukililo na milugu vyamuntima.

Lukashi 4:8 Yesu kushidoni, “Um! Indyandikigwa doni, ‘Lipudye kumwe Umu, jo Nnungu wako na untumikile jojo bai.’ ”

VaEpeshu 6:18 Kwakula inamuna yakushwali na kujugwa, shwali kula wakati mu Imumu. Kwadoni, ava mevo mulipililila uti mushwali muvajugwila vakwilimyanga uti

1 Samuwele 17:45-47 - Daudi & Goliath

Lukashi 10:17-20 Bai avalá sabini vandyúja na lipuwilo vaashidoni, “Nang'olo, palina lyako majini ni kutwishimu doni.” 18 Yesu kushidoni, “Nangu ndimwona Shatwani agwa kuwa mwaina yamoto. 19 Lola, nangu ndimupa mwenu madalaka akuluvatila dinyoka, vinila na kumupa dimongo dyakutimbangila dimongo dyavamongo pashikantandeka shinu. 20 Mwenu hamunapuwange mwaa majini kumwishimu kanji puwanga mwaa mena enu andyandikigwa kuwa.”

2 VaKolintu 10:3-5 Mwaa ata tukanama shimunu, hatunatenda shinu ing'ondo kwodananavo shimunu. 4 Mwenu, dyuti dyatutandela ing'ondo yetu hadinava shinu dyashimunu kanji dyanavo, dinkuvanavo dimongo dimwe Nnungu dyakubamalangila mangongo. 5 Tunkubamalanga makumbukililo na kulyona uti kulyumilída apinga limanyilo lyake Nnungu na tunkuteka makumbukililo uti pakulota amwigwilile Klistu

2 Timoti 1:7 Mwaa Nnungu anditupa Imumu i yakujopa kanji yadimongo, yalinagwaledyo na yakulimaladya.

Mateu 12:28,29 Napane ikava kenga ninkukumulanga majini kwaindila ya Imumu wake Nnungu, bai manya doni utawala wa Nnungu mwenu po, undimwikila. 29 “Da mwashi munji mwakwinjilila nng'ande mwamunu wadimongo ndakuunganga vyang'ande mwake mukanave shitandi kumunga mwene ing'ande jo? Ni apo palota kuulula kukuunganga vyang'ande.

VaEpeshu 1:13 Nkati mwake namwenu momo pamwigwite ntenga waumwiu, ntenga wambone wo umwambwéle; mwenu múnkulupidile nae, mundinamatiligwa kwa Imumu Wanashwe wakulivikila,

Vitendo 19:6 Paulu akavavikile makono, andívashulukila Imumu Wanashwe na muwakati wowo vandítunduvanga kutangola dinangodi dyakutikinikanga na kulava.

Malukushi 16:15-18 Napanelo Yesu andívaulila doni, “Wena mushilambo uti mupita mummalangangila kula munu ntenga wambone. 16 Aijá álotá kukulupila na kubatishwa, andaambwalegwá kanji ákakulupila, andaukumigwa. 17 Avalá valota kukulupila vandavanavo vimanyikilo avi: kwamwaa wangu nangu vandakumulanga majini, vandatangola dinangodi

dyaambi, 18 vandakamula dinyoka kwali vakakumbila ishumu, hashipali shilota kuvatandeka, vandavavikila makono valwele kutwala vanavo kupona.”

1 Nshuwau 1:9 Kanji tukalyaula madambi etu, nae ni wakukulupilika na waishaliya pakulota kutulivaliva madambi etu na kutuushanianga ushapu waungave-shaliya uti.

Mulibuku Iya Dimu 109:17 - Tiyagu 3:10 Kwalaliya na dilana dinkuma mo nkanywa. Mmanung'unumunu, hainave davo!

Judges 16:16 - 2 Patulu 2:7,8 kanji anímpoşa Loti munu waishaliya shíshinkodya shipalodi kwamwaa wavitendo vyakulauka vyavanu váshinama muungave-lilamulo 8 mwaa kula liduva munu waishaliya aijá pashinama pakati pave, ungumi wake waishaliya ushindauvauvanga kwamwaa wavitendo vyave vyauungave-lilamulo vyashona na vyashigwa.

VaEpeshu 4:26 Shimwa na hamunatege. Hamunaleke liduva lidimba mushimwidye

Valoma 14:12 Nadoni kula munu pakati petu andaitikanga jo mwene kumwe Nnungu.

1 Nshuwau 2:23 Kula munu ántauka Mwanamunu namomo havenavo Tatamunu; aijá ammalanganga Mwanamunu namomo ankuvanavo Atata.

Nshuwau 14:6 Yesu kushidoni, “Nangu ni Indila, Umwiu na Shingumi. Hapali wakwida kumwe Atata pakapitila kwangu nangu.

Mateu 11:28-30 “Idananga kwangu mwenu uti díndabadabyenge dibasha, nangu nampumudya. 29 Lyunge likangoti lyangu na lipundishe kwangu. Nangu ni wakulimaladya na wantima wakulishapeya na mwenu mundapata kupumula kwaungumi wenu. 30 Mwaa likangoti lyangu halinapwateka shinu na ibasha yangu inkugaluka.”

2 VaKolintu 6:2 Mwaa nae atédoni, “Nangu ndikwigwa muwakati uvaikidíle, ndikupwashela muliduva lyakwambola.” Mwenu, au ni wakati uvaikidíle. Mwenu, ali ni liduva lyakwambola.

Valoma 10:13 mwaa “uti aijá átambulanga lina limwe Umu, andaambwalegwá.”

Exodus 20:5 - sin cursed to 3 & 4 generations